

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO – TUŽITELJSTVO
ZENIČKO-DOBOJSKOG KANTONA

Broj: T04 0 KT 0067526 26
Zenica, 23.04.2026. godine

OPĆINSKI SUD U TEŠNJU
TEŠANJ

Na osnovu člana 45. stav 2. tačka i) i člana 241. stav 1. Zakona o krivičnom postupku Federacije BiH, p o d i ž e m

OPTUŽNICU

Protiv:

1. **K. H.**, osuđivan više puta,
2. **O. I.**, osuđivan,

što su,

I K. H. I O. I., zajedno

1. Dana 02.01.2026. godine, oko 04,30 sati na području općine T. u mjestu P., nakon što je prethodno O. I. u dvorištu porodične kuće H. A. na adresi S. H. , stupio u verbalni, a zatim i fizički sukob sa braćom K. F. i K. K., nakon čega je putem telefona, video pozivom pozvao K. H. i istog upoznao o prepirci, kojom prilikom je K. H. oštećenima rekao: „Zašto dirate mog brata i da će se sa njima obračunati ukoliko se ne izvine I.“, te nakon što su to oštećeni odbili, s namjerom da se sa F. i K. obračunaju, izazvali opasnost za život ljudi, a što su i htjeli, na način da su se sa putničkim motornim vozilom marke ... kojim je upravljao I. dovezli do kuće oštećenih u P., gdje I. parkirao vozilo na putu i izašao iz vozila, a zatim je sa mjesta suvozača izašao K. H. i prišao kući oštećenih, noseći sa sobom vojnu automatsku pušku koju mu je prethodno dao I. s namjerom da mu pomogne u izvršenju krivičnog djela, svjestan da upotrebom navedene puške H. može izazvat opasnost za život ljudi, a što je i htio i kada je H. ispred kuće uočio oštećene K. F. i K., svjestan da pucanjem iz vatrenog oružja može izazvat opasnost za život ljudi, što je i htio, iz puške ispalio hitac u zrak, pri tome govoreći oštećenima: „Da će ih pobiti“, a zatim je sa ceste došao do prilaza kući, uperivši pušku u pravcu donjih ekstremiteta F., a potom ispalio još nekoliko hitaca od kojih su fragmenti zrna pogodili K. F. u predjelu glave i potkoljenice, nakon čega su se sa vozilom udaljili u nepoznatom pravcu,

Dakle, pucanjem iz vatrenog oružja izazvali opasnost za život ljudi,

2. Dana 02.01.2026. godine, O. I., na području općine T. u mjestu P., oko 04,30 sati, suprotno odredbama člana 3. i člana 6b. stav 1. tačka a)-1 Zakona o nabavljanju, držanju i nošenju oružja i municije ZDK (Sl. novine ZDK, broj: 9/2013) (prečišćeni tekst broj: 1/14 i 13/18) neovlašteno nabavio i kod sebe držao vatreno oružje, automatsku pušku DIO KL,

serijskog broja: ... sa 24 komada vojne municije-metaka kalibra 7,62x39mm, iako je bio svjestan da nabavka i držanje takvog vatrenog vojnog oružja i municije građanima nije uopšte dozvoljena, što je i htio, koje oružje i municija (preostalih 10 komada metaka) su mu oduzeti potvrdom o privremenom oduzimanju predmeta dana 07.01.2026. godine, a koju vojnu automatsku pušku sa municijom je dana 02.01.2026. godine dao K. H., pa iako je H. bio svjestan da držanje i upotreba takvog oružja građanima nije uopšte dozvoljeno, što je i htio, suprotno odredbama člana 3. i člana 6b. stav 1. tačka a)-1 Zakona o nabavljanju, držanju i nošenju oružja i municije ZDK (Sl. novine ZDK, broj: 9/2013) (prečišćeni tekst broj: 1/14 i 13/18), iz iste puške ispalio više hitaca,

Dakle, neovlašteno nabavili i držali vatreno oružje i municiju, čija nabavka i držanje građanima uopće nije dozvoljena,

II K. H., sam

3. Dana 02.01.2026. godine, oko 04,30 sati, na području općine T., u mjestu P., nakon što je došao do kuće oštećenog K. F., iz vojnog vatrenog oružja ispalio u zrak jedan hitac, a zatim ispalio više hitaca u donji dio ekstremiteta K. F., svjestan da na taj način može oštećenog ozlijediti, a što je i htio, kojom prilikom je oštećeni K. F. zadobio lake tjelesne ozljede u vidu: ustrelna rane na glavi u predjelu lijeve slijepoočne regije sa malim metalnim stranim tijelom-lahke tjelesna povreda, ustrelne rane na lijevoj potkoljenici sa 3 mala metalna strana tijela-lahke tjelesne povrede, nagnječnorazderna rana desnog stopala-lahke tjelesne povrede, navedene povrede zbirno imaju karakter lahke tjelesne povrede,

Dakle, drugog lahko tjelesno ozlijedio,

Čime su počinili krivično djelo:

1. K. H. u stjecaju pod tačkom 1. krivično djelo Izazivanje opće opasnosti iz člana 323. stav 1. KZ F BiH, pod tačkom 2. krivično djelo Nedoizvoljeno držanje oružja ili eksplozivnih materija iz člana 371. stav 1. KZ F BiH i pod tačkom 3. krivično djelo Lahka tjelesna ozljeda iz člana 173. stav 1. KZ F BiH, sve u vezi sa članom 54. KZ F BiH

2. O.I. u stjecaju pod tačkom 1. krivično djelo Izazivanje opće opasnosti pomaganjem iz člana 323. stav 1. KZ F BiH u vezi sa članom 33. KZ F BiH i pod tačkom 2. krivično djelo Nedoizvoljeno držanje oružja ili eksplozivnih materija iz člana 371. stav 1. KZ F BiH, u vezi sa članom 54. KZ F BiH.